

lae dicto *Mota*. Male vero meritus est Mutarius noster de duobus *Codicibus Talmudicis* diversis vetustis, quorum membranis *Postillas* has utrinque convestiri iussit.

CLV.

U. 596
—600 Codicum Pentas chartacea Sec. XV. f. ab Autore *Thoma Ebendorfer de Haselbach* legata, ut jam P. I. praefert, Collegio ducali *Wienne* apud fratres predicatorum complectitur ejus *Commentaria in Isaiam Prophetam*. Praemittuntur P. seu *Volumini I.* Quaestiones 3. de certitudine novissimae Diei, de Haeresibus ab Ecclesia tolerandis, et de utilitate Persecutionum. Prologus incipit: *In nomine sancte &c. 1428. Verba vite eterne habes. Joh. 6. Cap. Lectura ipsa: Compleat inceptum Virgo Maria meum. 1428. In profesto Dyonisii et sociorum eius. ysaias in*

*Temporibus nostris quicumque placere laborat,
Det, capiat, quærat, plurima, pauca, nihil.*

Accedit Tabula.

Volumen IV. incipit a *Cap. 14. Compleat inceptum &c. 1449. Mauricii. Prope est ut veniat tempus eius &c.* et finit cum eod. *Cap. et 4. hiulcis Distichis*, e quibus conficitur *Haselbachium* terminasse describendo hoc *Volumen* in *Festo Thomae Aquin. a. 1455.* dum simul Collegium Ducale regeret. Neque hic deest Tabula.

Volumen V. et ultimum incipit a *Cap. 15. Onus Moab. Quia va-*

Jerusalem nobili prosapia generatus est &c. Noto, Versum citatum familiarem fuisse *Haselbachio* in fronte suorum Scriptorum, ad imitationem fortassis *Henrici de Hassia*, qui amabat praefigere: *Adsit principio Virgo Maria meo.* Ad calcem: *Finit hoc primum Volumen cum quarto Capitulo Isaie. Anno 1431. in festo leonis pape.* Cum Tabula amplissima subscripta: *Explicit tabula manu Thome de Haslpach in vacationibus pasche completa Anno &c. 1432.*

Volumen II. incipit a *Cap. 5. Cantabo dilecto meo canticum &c.* finit cum *Cap. 7.* et pariter adjunctam habet Tabulam.

Volumen III. incipit a *Cap. 8. Et dixit dominus ad me, sume tibi &c.* et finit cum *Cap. 13. Anno dominice Nativitatis 1444. in Profesto Petronelle, quod fuit Vigilia Penthecostes*

stata est &c. et finit cum *Cap. 16.* cui accedit Tabula et haec Peroratio: *Finitus et completus hic quintus liber lecture M. Thome Ebendorfer de Haselpach Canonici Ecclesie S. Stephani et Plebani in Bertoldsdorf quem manu propria scripsit et tabulavit in fine Angarie Penthecostes Anno &c. 1460. Quando et ordinariam resignat lecturam. Amen. Feliciter. Canonicatus sui anno 33. Plebanatus*

tus 26. Magisterij in artibus 49. in Theologia 33. Et etatis 73. Anno &c. 1461. tabule complete. Annos igitur 76. habuit emortuali anno 1464. meritissimus Senecio, cui hic Italum acetum abstergam Aeneae Silvii, quo illum perfudit in Hist. Friderici III. Imp. Analektor. Kollarii T. II. p. 11. cujus ego doctrinam laudarem, dicens, nisi duos et viginti annos Isaiae primum capitulum legisset, neque adhuc ad calcem venisset. Idem evulsum ex hac Historia legitur inter Aeneae Epistolas n. CLXV. Inde, ut fit, transcripsit Trithemius n. 705. inde Sixtus Senens. Biblioth. S. Lib. IV. edit. Paris. 1610. p. 306. f. novis erroribus cumulans; ait enim Nostrum a. 1410. XXIV. Libros in solum C. I. Isaiae scripsisse. Apage primum Sixti annum 1410. Anno 1428. incepit Noster, ut supra sua manu testatus est. Apage Libros XXIV. Legimus superius triennio ante Auctoris mortem: Finitus et completus hic quintus Liber &c. Dein mirare Trithemium sibi contradicentem; nam postquam Aeneae fabellam recoxisset, continuo subdit: Scripsit multa volumina in Esaiam Prophetam. Nec dices, aliud esse legere, aliud scribere; Lecturam enim vocat Haselbaehius, quod in Isaia scripsit, ut pariter superius vidisti. Demum, ut ad fontem redeamus, aut ignoravit rem Aeneas Silvius, aut intempestive joculari voluit. Alterutrum sane evincit nostrum Αουτογχαφου. Quod si cui vel hoc mirum videatur, Thomam in Isaia interpretan-

do ab a. 1428. ad an. 1460. non ultra XVI. Capita progressum esse, perpendat is, quae so, legationes ab eo intra hoc tempus Basileam, in Imperium germ. Pragae, Brunam, in Hungariam obitas, curas Parochiales, negotia Academica, Lectiones non quotidianas &c. de quibus illum Sec. I. Scriptt. et Conspectus Hist. Universit. edocebunt.

CLVI.

Codex membraneus lat. Sec. U. 30
XIV. Folior. 143. f. maj. per duas columnas currente calamo perscriptus, rubricis enotatus, et, ut theca anterior adferit, testamento legatus Collegio Ducali Vien. a celebri Thoma de Haselbach Theol. Prof. Plebano in Perchtoldsdorf et ad D. Stephanum Canonico, cujus Acta recensentur P. I. Scriptt. Univ. Vien. p. 138. continet, ut e calce praeoccupo, Postillas super Ezechielem editas a fratre Hugone ordinis predicatorum bone Memoriae Cardinali. Est is Hugo Delphinus, dictus a S. Caro (Saint Chers) item a S. Theoderio, defunctus a. 1262. Autor vastarum Postillarum in universa Biblia, quarum Pars haec praesens incipit: Apoc. VIII. Vidi et audiui vocem unius aquile volantis &c. et finit: quam in circuitu tabernaculi fuerint ordinate a moyse in Numeris et hoc satis patet ex Glossis. Editiones habes in Scriptt. Ord. Praed. T. I. p. 201. una cum Auctoris Vita p. 194. In Edit. Lugd. 1645. quae, quod mirere, ibi non